

毛詩注疏

附校勘記

附釋音毛詩注疏卷第十八

十八之四

六一

毛詩大雅

鄭氏箋

孔穎達疏

韓奕尹吉甫美宣王也能錫命諸侯

梁山於韓國之山最高大爲國之鎮

所名祀焉故美大其貌奕奕然謂之韓奕也梁山今左

氏以爲邑名焉幽王九年王室始騷鄭桓公問於史伯

曰周衰其孰興乎對曰武實昭文之功文之祚盡武其

嗣乎武王之子應韓不在其晉乎○奕音亦韓姬姓國

也梁山奕奕然爲韓國之鎮故曰韓奕奕音翼騷素刀

反動也○疏韓奕六章章十二句至諸侯○正義曰

其能錫命諸侯謂賞賜韓侯命爲侯伯也不言韓侯者

欲見宣王之所錫命非獨一國而已故變言諸侯以廣

之錫謂興之以物二章是也命謂授之以政首章是也

經序倒者經先言受命以顯其美序先言賜者欲見命

亦是賜春秋有來錫公命是命爲賜也三章言公侯得

賜而歸四章說其娶妻之事五章言其得妻之由卒章

言欲得命歸國施行政事既美其人言汎及之主爲錫
命而作故序言錫命以摠之○箋梁山至晉乎○正義
曰此經雖有韓有奕而文非共句故解其名篇之意也
知梁山於韓國之山最高大者以韓後屬晉釋山云梁
山晉望也孫炎曰晉國所望祭也晉爲大國尙以爲望
明於韓地最高大也夏官職方氏每州皆云其山鎮曰
某山是其大者謂之爲鎮故知梁山爲韓國之重鎮也
禮諸侯之於山川在其地祭以祈福山必望而祀之故
云祈望祀焉經云奕奕梁山是美其貌奕奕然以其韓
國之奕故謂其篇爲韓奕也又辨其處云今在左馮翊
郡夏陽縣之西北也漢於長安畿內立三郡謂之三輔
京兆在中馮翊在東扶風在西外郡之長謂之太守此
三輔者謂之京兆尹左馮翊右扶風左右猶外郡之名
太守也計此止須言馮翊耳不須言左但漢書稱馮翊
扶風之人皆并言左右故鄭亦連言左范曄後漢書始
於馮翊扶風之人不言左右耳以前皆并言左右服虔
左傳解贊云右扶風賈君是也又辨韓國興滅之由襄
二十九年左傳說晉滅諸國云霍揚韓魏皆姬姓也以
此知韓是姬姓之國後爲晉所滅也此韓是武王之子
以卒章之傳已言韓侯之先祖武王之子故直辨其姬

姓也故大夫韓氏以爲邑名焉謂食邑於韓以韓爲氏也桓三年左傳云曲沃武公伐翼韓萬御戎服虔云韓萬晉大夫曲沃桓叔之子莊伯之弟晉爲大夫以韓爲氏也襄昭之閒有韓宣子六國之韓王是此韓爲之後也晉之滅韓未知何君之世宣王之時韓爲侯伯武公之世萬已受之蓋晉文侯輔平王爲方伯之時滅之也故韋昭云近宣王時命韓侯爲侯伯其後爲晉所滅以爲邑以賜桓叔之子萬是爲韓萬則其亡在平王時也幽王九年以下皆鄭語文韋昭云騷謂適庶交爭也武王也文王子孫魯衛是也祚盡謂衰也嗣繼也武王子孫當繼之而興不在者言不在應韓當在晉也引此者證幽王之時韓仍在也彼先言桓公之問史伯之對下言九年王室始騷此引之而與彼文倒者彼文先說史伯之言於後歷陳事驗故始騷之文列之於後此則略取其意辨其問答

奕奕梁山維禹甸之有倬其道韓

侯受命

奕奕大也甸治也禹治梁山除水災宣王平大亂命諸侯有倬其道有倬然之道者也受命受

命爲侯伯也箋云梁山之野堯時俱遭洪水禹甸之者決除其災使成平田定貢賦於天子周有厲王之亂天

下失職今有倬然者明復禹之功者韓侯受王命爲侯伯○甸毛徒遍反鄭繩證反或云鄭亦徒遍反倬陟角反明貌韓詩作○王親命之續戎祖考無廢朕命夙夜匪

解虔共爾位

戎大虔固共執也箋云戎猶女也朕我也古之恭字或作共○解音懈共毛九勇反

鄭音恭云古恭字○

朕命不易幹不庭方以佐戎辟

庭直也箋云我之所命者

勿改易不行當爲不直違失法度之方作楨幹而正之以佐助女君女君王自謂也○幹古且反辟音璧君也爲于僞反○**疏**奕奕至戎辟○毛以爲此奕奕然高大楨音貞○**疏**之梁山其傍之野本遭洪水之災維爲禹所治之謂決除其災使成平田而貢賦於天子也今居其地復禹之功有倬然著明其道德者韓侯也韓侯以此明德受天子之命爲侯伯也王身親自命之云汝當紹繼光大其祖考之舊職復爲侯伯以繼先祖無得弃我之敎命而不用之其在職也當早起夜臥非有懈怠用心堅固執持汝此侯伯之職位我之所命汝者不得改易而不行以此爲楨幹有違道不直之方以此佐助汝大君之天子此是王命辭之略也○鄭以甸爲巨

甸之甸戎爲汝共爲恭敬言繼汝祖考之舊職恭於汝
職以助汝君爲異餘同○傳奕奕至侯伯○正義曰以
其言山之形而云奕奕故知大也甸者田也治爲平田
故云甸治大禹之功功在治水故知治梁山陰水災謂
治山傍之地有水之處使成平田也又本韓侯受命之
意宣王平大亂謂平定厲王之亂政而命諸侯請擇諸
侯賢者而命之故有倬然之道者韓侯受命爲侯伯也
以其命之使榦不庭方又言因以其伯故知爲侯伯謂
爲州牧也以其言奄受北國知非東西大伯也言宣王
平大亂者本其命諸侯所由耳不以平亂比治水也○
箋梁山至侯伯○正義曰以言其甸之施於平地之辭
故言之野言梁山者表韓國所在亦猶信彼南山其意
在於原隰也言俱遭洪水者堯時洪水非獨梁山之傍
梁山與天下俱遭之耳見禹之所治不獨梁山上言禹
治梁山下言韓侯受命則維禹甸之言亦爲韓侯而發
信南山維禹甸之下云曾孫田之美成王能復禹之功
然則此維禹甸之下又云有倬其道亦美韓侯復禹
之功也禹與成王俱爲天子養民之情既同其功可以
相復今韓侯非禹之類而亦言復禹功則所復之事有
異於成王故箋辨之禹能決除其災使成平田定其貢

賦於天子今韓侯居禹所治之地修理其田供其貢賦
於天子禹定其制韓侯奉行以此爲復禹之功也周有
厲王之亂天下失職謂諸侯不修臣職不貢賦也今有
倬然著明之道復禹之功謂韓侯修臣職奉貢賦也下
云介圭入覲卽是著明之事韓侯以此著明故得受命
爲侯伯有倬然受命皆是韓侯之事韓侯之文處其中
使得上下俱兼也以信南山之箋甸爲甸之知此使
成平田定貢賦亦是甸之也定本集注貢賦上皆無
定字○傳戎大虔固共執○正義曰皆釋詁文彼唯共
作拱耳傳讀爲拱故爲執也○箋朕我至作共○正義
曰朕我釋詁文言古之恭字或作共則爲恭敬之義以
爲恭字義強故易傳也○傳庭直○正義曰釋詁文之

四牡奕奕孔脩且張韓侯入覲以其介圭入覲于王

長脩

張大覲見也箋云諸侯秋見天子曰覲韓侯乘長大之
四牡奕奕然以時覲於宣王覲於宣王而奉享禮貢國
所出之寶善其尊宣王以常職來也書曰黑水西河其
貢璆琳琅玕此覲乃受命先言受命者顯其美也○見
賢遍反下同黑水西河一本黑上有書曰二字璆其穆
反又其休反琳字又作玲音林孔安國云璆玲美玉也

所執之大圭入行覲禮而見於王言其朝覲之得禮也
王於是錫賚韓侯以美善所畫交龍之旂而建旂之竿
其上又有大綬以爲表章以方文漆簞爲車之蔽錯置
文采爲車之衡又賜身之所服以立爲衣而畫以袞龍
足之所履配以赤色之舄馬則有金鈎之飾其膺亦有
美飾謂樊纓也又以鏤金加於馬面之錫又以皮革鞞
於軾中虎皮淺毛幘覆其軾鞞皮爲轡首之革此革之
末以金飾之如厄蟲言韓侯有德見命而受此厚賜也
○鄭以爲四牡高大者韓侯乘之以入京師行朝覲之
禮既畢乃以其國所有寶玉大圭復入而享覲於王言
以常職來朝依禮貢獻也又以綬章爲車上所引之綬
有采章金厄爲小環纏摯之以此爲異餘同○傳脩長
至覲見○正義曰禮稱廣脩皆謂長爲脩故脩爲長也
物之小者張之使大若左傳稱張公室謂使公室強大
是張爲大之義也諸侯秋見天子曰覲是覲爲見也毛
於崧高以介圭爲所執之瑞則此言介圭亦爲瑞也以
其介圭入覲於王謂正行覲禮則上句言韓侯入覲其
在路之時言其將欲入覲非正覲時也執圭入覲禮之
常也而詩人言此者美韓侯之德能稱此命圭至京師
而卽得見王○箋諸侯至其美○正義曰諸侯秋見天

子曰觀大宗伯有其事以朝者四時通名觀則唯是秋禮以非通名故特解之駿異義云朝通名也秋之言觀據時所用禮是鄭意以韓侯秋來見王時行觀禮也下云奄受北國則韓侯是北方諸侯而得秋觀王者諸侯之朝天子四方時節其文不明說周禮者賈逵以爲一方四分之或朝春或觀秋或宗夏或遇冬藩屏之臣不可虛方俱行故分趣四時助祭也馬融以爲在東方者朝春在南方者宗夏在西方者觀秋在北方者遇冬是由經無正文故先儒爲此二說鄭於大宗伯注云六服之內四方以時分來或朝春或宗夏或觀秋或遇冬名殊禮異更遞而徧秋官大行人注云六服以其朝歲四時分來更遞而徧二注並言分來則是從賈之說一方而分爲四時也韓侯雖是北方諸侯其在北方爲西偏蓋於時分之使當秋觀也若然明堂位注云魯在東方朝必以春似東方諸侯皆朝春者正以彼記魯之祭禮云夏禘秋嘗冬烝獨無春祀明爲朝王闕之故云朝必以春魯在東方尤爲東偏蓋亦分之使春朝故嘗闕春祭也箋以經再云入觀故分之爲二韓侯入觀爲行觀禮入觀于王爲行享禮行享而云介圭則圭是爲享之物大行人陳諸侯見王之禮云廟中將幣三享注云享

皆東帛加璧庭實惟國所有朝士儀曰奉國地所出重
物明臣職也是朝覲之禮既以朝禮見又以享禮見王
故再云入覲也言三享者初享以馬若皮其餘以國地
所有之物分之爲二以備三享享者獻也貢獻已國所
出之寶是諸侯事天子之常禮故又云善其尊宣王以
常職來朝解其備言覲享之意也引書曰者禹貢文彼
注云球美玉也琳美石也琅玕珠也引此者以西河之
地法當貢玉韓在西河之西故以介圭入覲介圭當是
奇異之大玉可以爲圭璧也以所寶善圭故以圭爲眾
寶之稱不必獨獻一圭也案禹貢黑水西河之下云惟
雍州注云州界自黑水而東至於西河然則箋本云雍
州貢球琳琅玕是矣不言雍州而云黑水西河者以禹
貢大略言所至地形不可如圖境界互相侵入且堯
與周世州境不同命韓侯言奄受北國則是北方之國
非雍州也夏官職方氏正北曰并州韓屬并州矣以韓
國實在西河而非雍州故唯得言西河不得言雍州也
箋又怪其文倒故解之云此覲乃受命先言受命顯其
美以受命爲美事故先言以顯之也○傳淑善至烏蠲
○正義曰淑善釋詁文交龍爲旂司常文綏大綏者卽
王制所謂天子殺下大綏者是也天官夏采注云徐州

貢夏翟之羽有虞氏以爲綬後世或無染鳥羽象而用之或以旄牛尾爲之綴於幢上所謂注旄於竿首者然則綬者卽交龍旂竿所建與旂共一竿爲貴賤之表章也故云綬章王肅云章所以爲表章是也說文云鞞革也獸皮治去其毛曰革是鞞者去毛之皮也鞞者兩較之間有橫木可憑者也鞞爲鞞中蓋相傳爲然言鞞鞞者蓋以去毛之皮施於鞞之中央持車使牢固也鞞字禮記作鞞周禮作鞞字異而義同玉藻言羔鞞鹿鞞春官中車言犬鞞狔鞞皆以有毛之皮爲鞞此云淺鞞則以淺毛之皮爲鞞也獸之淺毛者唯虎耳故知淺是虎皮淺毛者月令其蟲保注云虎豹之屬恆淺毛是虎爲獸中之最淺毛者也此鞞與天官鞞人之字異其義亦同彼鞞人之官掌以巾布覆器是鞞爲覆蓋之名少儀說御車之法云負良綬申之面拖諸鞞前授綬而去拖諸鞞明在鞞上故知覆鞞也禮注謂之覆鞞鞞卽鞞傍之立木此鞞亦覆之故彼此各言其一也厄烏蠲釋蟲文郭璞曰大蟲如指似蠶韓子云蠶似蠲毛以厄爲厄蟲則金厄者以金接轡之端如厄蟲然也○箋王爲至搯之○正義曰旂雖同畫交龍而爲之有惡有善故曰善旂旂之善者以此經所陳其事各別若綬是大綬則共

旂一物淑旂可以兼之不應重出其文故易傳以綬爲所引登車者卽少儀所謂執君之乘車僕者負良綬注云良綬君綬是也此綬是升車之索當以采絲爲之故云綬章謂有采章也第者車之蔽簟者席之名言簟第正是用席爲蔽而知漆簟以爲車蔽者以巾車云王之喪車五乘皆有蔽其一曰木車蒲蔽未有采飾其五曰漆車藩蔽旣以漆爲車名明藩亦漆之故注云漆席以爲之此車禪所乘也禪將卽吉尙以漆席爲第明吉車之等漆之也鈎膺樊纓者以膺文連鈎與巾車金路鈎樊纓同故知膺者見膺上有飾卽樊纓是也巾車注云鈎婁領之鈎樊讀如鞶帶之鞶謂今馬大帶纓今馬鞅鈎以金爲之樊及纓皆以五采屬飾之案釋言云鞶屬也郭璞云鞶音狸舍人曰鞶謂毛也屬胡人續羊毛而作然則屬者織毛爲之若今之毛氈旣以衣馬之帶鞅也知五采色者以之爲飾明雜色也風有子之清揚抑若揚兮是揚者人而眉上之名故云眉上曰錫人旣如此則馬之鏤錫施鏤於揚之上矣釋器云金謂之鏤故知刻金爲飾若今之當盧巾車注亦云錫馬面當盧刻金爲之所謂鏤錫當盧者當馬之額盧在眉眼之上所謂鏤錫指此文也案中車玉路錫樊纓金路鈎樊纓注

云金路無錫有鈎計王路非賜臣之物此言鈎磨必金
路矣而得有鏤錫者蓋特賜之使得施於金路也釋器
云轡首謂之革故知鞞革謂轡也此不言如厄則非比
諸外物不得爲蟲故易傳以金爲小環往往纏搯之往
往者言其非
一二處也○韓侯出祖出宿于屠顯父餞之清酒百壺
屠地名也顯父有顯德者也箋云祖將去而犯軼也既
覲而反國必祖者尊其所往去則如始行焉祖於國外
畢乃出宿示行不留於是也顯父周之公卿也餞
送之故有酒○屠音徒父音甫本亦作甫注同○其殺

維何魚鼈鮮魚其藪維何維筍及蒲其贈維何乘馬路

車藪菜殺也筍竹也蒲蒲蒻也箋云魚鼈以火熟之也
鮮魚中膾者也筍竹萌也蒲深蒲也贈送也王旣使

顯父餞之又使送以車馬所以贈厚意也人君之車曰
路車所駕之馬曰乘馬○肴戶交反本亦作殺同魚鄭

薄交反徐甫九反鼈卑滅反藪音速筍字或作笋恤
尹反乘繩證反注向卜乘亦同藪音弱膾古外反籩

豆有且侯氏燕胥箋云且多貌胥皆也諸侯在京師未
去者於顯父餞之時皆來相與燕其

邊豆且然榮其多也○且子餘反又七救反胥思徐反又思呂反○**疏**韓侯至燕胥○
侯既受賜而將歸在道餞送之事也言韓侯出京師之門爲祖道之祭爲祖若訖將欲出宿于屠地於祖之時王使卿士之顯父以酒餞送之其清美之酒乃多至於百壺言愛韓侯而送酒多也於此餞飲之時其殺饌之物維有何乎乃有以魚之鱉與可膾鮮魚也其藪菜之物維有何乎維有竹萌之荀及在水深蒲也不但以酒送之王又以物贈之其贈之物維有何乎乃有所乘之四馬與所駕之路車言王以厚意送之也其時所盛脯醢之蘧豆有且然而多其在京師未去之諸侯於是飲燕而皆在言其愛樂韓侯俱來餞送之也○傳屠地至德者○正義曰以屠可止宿故知地名又解於時餞者當眾而獨言顯父者以顯父有顯德者故特言之父者丈夫之稱以有顯德故稱顯父廣言有美德者非止一人也○箋祖將至有酒○正義曰始行而爲祖祭者爲尊其往也反則自歸其國非復所尊而亦作祖祭故解之云尊其所往故去則如始行焉言其來爲尊王歸亦謹慎故反國亦爲祖祭也祖與所宿不是一處故云祖於國外畢乃出宿餞訖然後出宿今出宿之文在餞之

上者示行不留於是也故於祖之下卽言出宿也諸侯
反國爲王臣所送送者唯卿士耳故知顯父周之卿士
也○送行飲酒曰餞故云餞送之故有酒解其酒多之意
也○傳藪菜至蒲蒻○正義曰藪者菜茹之摠名釋器
云菜謂之藪故云藪菜穀對肉穀故云菜穀謂爲菹也
若平常藪亦兼肉故周易鼎卦云鼎折足覆公藪鄭注
以藪爲人珍所用是也天官醢人加豆之實有深蒲筍
菹是菹有筍有蒲也言筍竹蒲蒻亦謂竹萌深蒲但傳
文畧耳○箋魚鼈至曰乘馬○正義曰案字書魚毛燒
肉也魚烝也服虔通俗文曰烝煑曰魚然則魚與魚別
而此及六月云魚鼈者音皆作魚然則魚與魚以火熟
之謂烝煑之也新殺謂之鮮魚餒則不任爲膾故云鮮
魚中膾者六月云膾鯉此云鮮魚欲取魚字爲韻因言
鮮以見新殺也筍竹萌釋草云孫炎曰竹初萌生謂之
筍蒲深蒲謂蒲蒻入水深醢人注云深蒲蒲始生水中
是也陸機疏云筍竹萌也皆四月生唯巴竹筍八月九
月生始出地長數寸鬻以苦酒豉汁浸之可以就酒及
食蒲始生取其中心入地蒻大如匕柄正白生噉之甘
脆鬻而以苦酒浸之如食筍法是說筍蒲菹之法也贈
者以物送人之名故云贈送也於酒穀之下始言其贈

雜何則是王使人至餞飲之處贈之故曰旣使顯父餞
之又使送以車馬所以贈厚意也采菽及此言乘馬路
車皆以賜諸侯故知人君之車曰路車所駕之馬曰乘
馬又巾車五路止云以封諸侯不以賜人臣其卿大夫
以下則謂之服車是人君謂之路車也箴膏肓引采薇
彼路斯何君子之車言大夫亦得爲路車者以路名本
施人君因其散文卿大夫亦得稱路耳於卿大夫亦未
有乘馬路車并言之者故知唯於人君言此者以贈在
餞之下文與其殺其藪相類嫌是顯父所贈卿大夫無
乘馬路車之名則非顯父贈之言此以明車馬是王贈
之意○箋箋且多至其多○正義曰以配百壺故知且
爲多貌胥皆釋詁文言侯而不言韓侯且韓侯一人不
足稱皆故知侯氏燕胥諸侯在京師未去者於是之時
皆來相與燕也其邊豆且然榮其多言作者以多爲榮
故言有○**韓侯取妻汾王之甥蹶父之子**
且也○汾大也蹶父卿士也箋云汾王
厲王也厲王流于彘彘在汾水之上故時人因以號之
猶言莒郊公黎比公也姊妹之子爲甥王之甥卿士之
子言尊貴也○取七喻反本亦作娶下注同汾符云反
蹶居衛反彘直例反梨音離又力兮反又作黎比音毗